

NĚEMAYA

NĚemaya Yerusalemu damukena

¹ Akalia né NĚemaya yān yè. Atasese kíblena wè barode moɔ kè wè be Kisilevi guu má kú kibe Susa wétedaan. ² Ben ma dāaro Anani bò Yudano busun à mò kōn gbēkeno. Ma yā gbekama Yuda gbē kpaaa kè aɔ bò zìzokenno musu kōn Yerusalemuo. ³ Aɔ wèmala wà bè, gbē kè aɔ bò zìzoken wà tà Yudano busu guuno e nawēa kee maamaa, wèe n lalandi kee, zaake Yerusalemu bīi gborona bensō à bīile gbàno tékūna. ⁴ Kè ma yā pì mà, ma vēe, ben wēe'i bōma. Ma ɔo dō guru plaa, mēe lé yii, mēe wēe kee Luda Musudea ⁵ ma bè: N yā nna Dii Luda Musude! N bíta bensō n naasi vī. Gbēkee guu n bà ègō kú kōn gbē kè aɔo yenzi aɔo n yādienano kūnano. ⁶ N wēe té mamoma n zòblerizi n swā kpá adua kè mēe kee fāantē kōn gwāavio n zòbleri Isarailinonezi. Mēe durun kè wá kennee yā oo. Baa mapi kōn ma de bēdeenɔ wa durun kè se. ⁷ Wa yā zaaa kenne maamaa, wēe n yādienano daro, wēe n ɔɔkii gwaro, wá n doka kè n dīe n zòbleri Musane kūnaro. ⁸ N tó yā kè n dīe n zòbleri Musane kèkii dōngu. N bè tó wa bo n kpēe, né wa fāakōa boriino té. ⁹ N bè dō tó wa ɛara wa aε dōmma bensō wá n yādienano kūna wēe zīi keea, baa kè n pèwa ai anduna léa, né wa kakōa né suwao guu kè n sè ben n tó kúa pìn. ¹⁰ Gbē pino né n zòblerinome, n gbē kè n n bó kōn n iko bítao kōn n gāsā gbāaaonome. ¹¹ N yā nna Dii, n swā kpá mamoma n zòbleri aduakēnazi

kōn n zòbleri kè n yā è keńne nna bensō aō n vīa vīino aduakɛnao. N̄ mamoma n zòbleri dakōre kōn minnaao gbāa le kína ma wēnda gwa.

Gurō beeeaa sō, kína pì wēkpaaterin ma ũ.

2

Kí Atasese NĚemaya zīna Yerusalemu

¹ Kí Atasese kíblena wē barode mo kè wè be Nisā guu kína yezi à geepiwēe mi, ben má sè má kpàa. Èe ma e kōn uusisinao zikiro, ² ben à ma la à bè: Bó yā bé à tò n uu sisina? NĚe gyāa kero. N nòse bé à yàka? Vīa ma kŭ maamaa, ³ ben ma bène: Luda n dō kōn aafiao, Zaaki! Ma uu sisina, zaake wéte kè ma dezino mira kún gō bezi ũ. À bīile gbàno té kù. ⁴ Ben à bène: N̄ yezi mà ke diamε? Ma wée kè Luda Musudea gīa, ⁵ ben ma weàla ma bè: Kí, tó à kènne maa bensō mamoma n zòbleri yā kàngu, n̄ ma zī Yudanō bŭsu wéte kè ma dezino mira kún pì, le mà e mà keke mà káe. ⁶ Kína pì naō vēena à sae, ben à ma la à bè: Dian n tá é gí ke nà? Bōren né suu? Kè kína wè ma ganazi, ben ma gurō diene. ⁷ Ma bène: Tó à kènne, n̄ takada kē Yuflati baa kāa kpa dōn'aedeenōne n̄ kpàma. N̄ ońne aō tó mà gēte n̄ bŭsun ai mà gá káo Yudanō bŭsun. ⁸ N̄ takada kē n líkpe dākpari Asafane dō. N̄ one à ma gba lí mà zeki gbāaa kè kú Luda kpé sae lé keo kōn bīileno kōn kpé kè mégō kún pío. Ben kína pío kè má gbeka kpàma, zaake ma Luda o kúma. ⁹ Kína soza bàdeenō kōn sōdeenō dàme aō gámao. Ben ma gaa ma Yuflati baa kāa kpa dōn'aedeenō lè ma kína lánō kpámma. ¹⁰ Kè Oronu gbē Sambala kōn à ìba Tobia, Amōni boriio

mà gbēke mò Isarailinɔ gwena kaara, à kèñne ñi maamaa.

¹¹ Kè ma ka Yerusalemu, ma kámma bò gĩa gurɔ aagɔ. ¹² Ben ma fεε gwāavĩ kɔn gbēkenɔ, mée yā kè ma Ludaa dà ma swèn mà ke Yerusalemu o gbēkenero. Má di zaaki kpεε, gbē kpaaanɔ tε kεε.

¹³ Ma bɔ Guzure bīilen gwāavĩ ma mì pè Gbēngbo lɔgɔa kɔn Tubura bīileo. Mée Yerusalemu bīi kè wà gbòro gwagwa kɔn à bīile kè tε kùnɔ. ¹⁴ Ben ma gaa aε ai Íboki bīilea kɔn Kína íkakiio. Gu kee kú gwe, ma zaaki e fɔ à gènlo, ¹⁵ ben má tε swawεen gwāavĩ, mée bīi gwagwaa. Ben ma εara ma su ma gē Guzure bīilen. ¹⁶ Gbāadeenɔ guu kè ma gaan ke yā kè má kè dɔro, zaake mée yāke o Yudanɔne gĩaro, baa sa'orinɔ ke kínenɔ ke gbāadeenɔ ke gbē kpaaa kè aṣé zīi pì kεenɔ. ¹⁷ Ben ma bèñne: A nawēa kè wa lee ès? Yerusalemu gṣṣ bezĩ ũ, à bīilenɔ tε kũ. À tó wà εara wà bīi bo dɔ le wàtongɔ de fabona pɔ ũ dɔro yānzi. ¹⁸ Ma bèñne dɔ lán ma Luda ɔ kùma nà kɔn yā kè kína òmεεo. Ben aṣ bè: Wà fεε wà na à bonaa. Ben aṣ nà zī maaa pìà ɔplaplaa.

¹⁹ Kè Oronu gbē Sambala kɔn a ìba Tobia, Amɔni borio kɔn Larubu bori Gεεmuo à baaru mà, aṣ wa fabò aṣ kya kàwagu aṣ bè: Bón ée keε gwee? Ée bɔɔ kína yā kpεen yɔ? ²⁰ Ben ma yā sìnlà ma bè: Luda Musude é wa dakɔre kɔn mìnnaao. Wamɔwa à zṣblerinɔ, Yerusalemu bīibonan wé naa kè. Amɔa sṣ a baka kúnlo. A yā kú kè dɔro, a tó égɔ dɔ gbēken wéte kè guu dɔro.

4

Íbetekpana kɔn Yerusalemu bīiborino

¹ Kè Sambala mà wa Yudanɔ wée Yerusalemu bīi boo, à pɔ fɛ̀ à làakari fɛ̀ maamaa, ben èe wa kee pónɔpónɔ. ² À bè a gbɛ̀nɔ kɔn Samaria zìkpeɛnɔ wáa: Bón Yuda gina pìnɔɔ e kee? Aǎé fɛ̀ wà ɛara wà bīi pì boó? Aǎé saa o aǎ zīi pì né gurɔ doó? Aǎé fɛ̀ wà wéte pì vu kɔn gbè kè té kù à kaena pìnɔɔ? ³ Amɔni bori Tobia kú à sae, ben à bè: Bīi kè aǎɔe boo pì, tó gbɛ̀ngboo didia, à gbɛ̀nɔ é gboro fá!

⁴ Ben ma bè: Wa Luda, ñ wa yā ma, zaake aǎ dɔkèwao. Ñ tó wa lalandi kè aǎɔe kee wí ñ musu. Ñ tó wà ñ kùkù wà tányo zìzɔnɔ ũ. ⁵ Nton lá kú ñ taarinɔlaro. Nton ñ durunnɔ gogoro, zaake aǎ bīiborinɔ sòsɔ. ⁶ Len wa bīi pì bò le ai à pèkɔa, ben à lezī kà guragura, zaake gbɛ̀nɔɔ e zīi pì kee kɔn nǎsɛo domɛ.

⁷ Kè Sambala kɔn Tobiao kɔn Larubunɔ kɔn Amɔninɔ kɔn Asadɔdideenɔ mà Yerusalemu bīikɛkɛna e gaa ae, bensɔ guforonɔɔ e tataa, aǎ pɔ fɛ̀ maamaa. ⁸ Ben aǎ lé kpàkɔsɔ ñ píngi aǎ bè weé mó wà léɛ Yerusalemua wà yàkete ligañzi. ⁹ Ben wa wée kè wa Ludaa, bensɔ wa gudākparinɔɔ diɛdiɛ fāantɛ kɔn gwāavīo aǎ yāñzi. ¹⁰ Ben Yudanɔ bè: Asoserinɔ gbāaa e yāaa. Gbè kè wà gbòro wà dàe pari, wé fɛ̀ wà bīi pì bo wà à mì dero. ¹¹ Wa ibɛnɔ bè, ai wàgɔ gá ñ yā dɔ, weé siwagu wà wa dɛdɛ, zīi pì é gɔ kpána zén. ¹² Wa gbɛ̀ kè aǎ kú ñ saenɔ mò wà bèwe à kà gɛ̀n kuri aǎ bè: Aǎɔe bɔɔ gu píngia, aǎ yezi wà mó wà léɛwa. ¹³ Ben ma gbɛ̀nɔ diɛdiɛ bīi fòonɔzi kɔn à guu kè kè ɛɛtenɔ. Ma ñ díɛdiɛ danɛdanɛ, baade kɔn a fɛ̀ɛdaao kɔn a sário kɔn a sáo. ¹⁴ Kè ma wée tɛ guunɔzi, ma fɛ̀ ma bè kínɛnɔne kɔn gbāadeenɔ kɔn gbɛ̀ kpaaanɔ: Àton vīa keñnero.

Àgõ dõ kè Dii bíta à naasi vī. À zī ká a gbēnɔne kɔn a néngɔgbēnɔ kɔn a nénɔgbēnɔ kɔn a nɔɔnɔ kɔn a bɛɛnɔ. ¹⁵ Kè wa ibɛɛnɔ mà Luda n fú à tò wa n lékpakɔsɔna asii mà, ben wa píngi wa ɛara wa na bīibonaa, baade kɔn a zīio.

¹⁶ Zaa gurɔ beeeaa ma gbēnɔ kpàate leo plaa. Gbēkenɔ e zīi kee, gbēkenɔ sári kūna kɔn sɛngbangoo kɔn sáo kɔn m̀'utao dana. Gbēnsinɔ zena gbē kè aɔɔe bīi boonɔ kpɛɛ. ¹⁷ Gbē kè aɔɔ asoo sɛnanɔ aso kūna ɔdo, gɔkɛbɔ ɔdo. ¹⁸ Bīiborinɔ fɛɛdaa dɔna n piia n píngi. Kurupɛri ègõ kú ma sae. ¹⁹ Ben ma bè kínɛnɔne kɔn gbāadeenɔ kɔn gbē kpaaanɔ: Zīi pari bensɔ bīi pì gbàa, ben wa kɔ kpàatete à lézi. ²⁰ Guu kè á mà wèe kuu pɛɛn, à kɔ kakɔawazi gwe, wa Luda é zī káwe. ²¹ Ben wa ɛara wa na zīia, gbēkenɔ sári kūna zaa bùgubugua ai sɔsɔnɛnɔ gàa wà b̀ɛo. ²² Zī beeean ma bè gbēnɔne: A baade gae i Yerusalemu kè kɔn a ìbanɔ, le àgae e à gu dākpa gwāavī, àgae zīi ke fáantē. ²³ Mapi kɔn ma dāaronɔ kɔn ma ìbanɔ kɔn gudākpari kè aɔɔ kúmaonɔ, wèe wa pókásáa bɔro, baade ègõ a gɔkɛbɔ kūna a ɔplaammɛ.

5

NĒemaya zena kɔn takaasideenɔ

¹ Gurɔ beeean wa Yuda kenɔ kɔn n naɔnɔ e wii lee n gbēnɔa maamaa. ² Aɔ gbēkenɔ bè: Wapinɔ kɔn wa nénɔ wá pari. Wá ye pówɛɛzi wà pó ble wà e wàgõ aafia. ³ Aɔ gbēkenɔ bè dɔ: Nɔaa kuu, ben wa wa buraanɔ kɔn wa geepi búnnɔ kɔn wa kpénɔ tɔɔba kpà pówɛɛ yānzi. ⁴ Aɔ gbēkenɔ bè: Wa ɔ sèkã le wà wa buraanɔ kɔn wa geepi búnnɔ tángba bɔ kínane yānzi.

⁵ Baa tó wa borii dōnkōmε, bensō wa nénō dōnkō kōn n̄ nénō, wée wa nénō yaaámma zònō ũ tiasi. Wa nénōgbē kenō e zò blee kò bensō wa gbāaa e ká wà pòke kèro, zaake wa buraano kōn wa geepi búno g̃ō n̄ pò ũmε.

⁶ Kè ma n̄ wii pì mà kōn gbēno káara kè aō kèo, ma pò fè maamaa. ⁷ Ma yā pì wàari pà ma swè guu, ben ma zōka dò kīnenō kōn gbāadeenōa ma bēñe: A baade e ɔɔ'i kaara a gbēdaaanε. Ben ma bè wà parii kakōa aō yā pì yānzi. ⁸ Ma bèñe: Wa wa gbē Yuda kè aō g̃ō bori pāndenō pò ũuno bò wa gbāa lén, ben á tò a gbēno e n̄ zīnda yaawa dōó? Ben aō yīte kpēkpē, aōe yāke e wà òro. ⁹ Ben ma εara ma bè: Yā kè ée keε pì maaro. Àgō wa Luda vīa vī le wa ibεε bori pāndenō tón wa sōsōro yānzi. ¹⁰ Mapi kōn ma daneno kōn ma ibanō, wa ɔɔ kōn pówεεo sèkāñne dō. À ɔɔ'ikaarannena tó sa, ¹¹ à n̄ buraano kōn n̄ geepi búno kōn n̄ kùkpenō kōn n̄ kpénō sokpañne kōn pò basōrodee kè ée siim̄ma ɔɔ'i ũuo, ɔɔ kōn pówεεo kōn geepiwεεo kōn n̄sio píngi. ¹² Ben aō bè: Wé sokpañne, wé pòke weterím̄ma dōro. Wé ke lán n̄ ò nà. Ben ma sa'orino sìsi má tò gbē pino la dà n̄ wáa lán aō à lé gbè nà. ¹³ Ma a utadaa kpòke ma bè: Luda gbē kè èe zīi ke lé kè à gbè piaroo kpoke le à à be kōn à auzikinō sía. Luda à kpoke le à g̃ō kori le. Gbē pariino bè: Aami! Ben aō Dii sáabu kpà. Ben gbēno kè lán aō à lé gbè nà.

¹⁴ Beeε gbera zaa gurō kè kí Atasεεε ma die Yudanō bùsu dōn'aεdee ũ a kíblena wè barodeen ai à wè baaakuri awεεplaadeε guu, à kà wè kuri awεεplaa, mapi kōn ma daneno wée dōn'aεdeke pò

blero. ¹⁵ Dɔn'aede káaku kè à dòmε aenɔ aso tìisi t̃̀ gbēnɔ, ã pób̃le k̃n̄ geepiw̃εo s̃i baadea k̃n̄ kon-dogi ɔ mèn baplaplaao. Ã ìbanɔ gbãaa blēm̃ma dɔ. Mapi s̃, mée ke lero, zaake má Luda ṽia ṽi. ¹⁶ Ma m̃e kpà b̃i p̃i bonaa, mée t̃ote sé ma p̃o ũro. Ma ìbanɔ kak̃ana gwe z̃i p̃i yānzi. ¹⁷ Yudanɔ èg̃o p̃o blee ma be g̃ɔn baswεplaa akurikuri, gbãadeenɔ k̃n̄ gbē kè ã b̃o borii kè ão ligawaziinɔ kiianɔ. ¹⁸ Lán guu è dɔ nà wèg̃o z̃u kekεεmε mèn doodo k̃n̄ s̃a m̃ekpananɔ mèn swεdodo k̃n̄ koonɔ, bens̃o wèg̃o geepiw̃ε baa bítabita gurɔ kuri k̃n̄ gurɔ kurio. Baa k̃n̄ beeeo mée dɔn'aedeke pób̃lee gbekam̃maro, zaake z̃i kè gbē beenɔ e keε bíta. ¹⁹ Ma Luda, yā maaa kè má kè gbē beenɔne píngi g̃o dɔngu.

6

Nĕemaya ibeenɔ zéwetena wà ɔndɔ kezi

¹ Ma b̃i b̃o má yāa à foo kú gukea dɔro, m̃ode mée à b̃iile gbànɔ péεεε ģaro. Kè Sambala k̃n̄ Tobiao k̃n̄ Larubu bori Gesemu k̃n̄ ma ibεε kpaaanɔ à baaru mà, ² Sambala k̃n̄ Gesemu p̃o lékpāsā k̃mε wà bè mà m̃o mà dañle Onɔ guzurε lakutu ke guu. À zaaan ãoε wεtεmao. ³ Ma gbēnɔ z̃im̃ma ma bè: Mée z̃i bíta keεmε, mé e mà m̃oro. Mé e mà z̃i p̃i t̃o mà m̃o a kiiaro. ⁴ Ã lékpāsā p̃i k̃mε g̃èn siig̃o, ben ma yā mèn doo p̃i sĩnla. ⁵ À g̃èn s̃ɔrode Sambala a ìba ke z̃ima. À takada kè wèe k̃aε'ɔ naaro k̃na. ⁶ Wà kè lá p̃i guu wà bè: Wa yāke wàpe mà bori pāndenɔ kiia, ben Gesemu bè yāpuramε. À bè mpi k̃n̄ Yuda kpaaanɔ a zεo à b̃o k̃ina yā kpεεmε. Beee yānz̃in̄ ée b̃i p̃i bozi. Wà bè dɔ n̄ yezi n̄ g̃o Yudanɔ k̃ina ũmε, ⁷ ben n̄ annabinɔ diε ã o Yerusalemu kè

m̄be n̄ kína ũ. Kína é yā pì ma. Beee yānzin n̄ mós wà lé kpakōsōzi. ⁸ Ben ma lékpāsā kènne ma bè: Yā kè n̄ee oo kuuro. M̄be n̄ yā pì ò n̄ zīndaa. ⁹ Aō p̄ngi aō yezi vīa ma kūme, aōe daa wa ɔ é gō dōwazime, wé e wà zīi pì mì dero. Ma Luda, n̄ ma ɔ gba gbāaa.

¹⁰ Ma gaa Delaya né Semaya, Metabeli dio be, zaake à a zīnda yì a kpén. À bè: Wà kpakōa Luda kpén wà à gbà tatawalé, zaake gbēnɔ e mɔɔ n̄ demé. Aōé mós wà n̄ de gwāavīme. ¹¹ Ben ma bè: Ma taka è bàa síó? Ma taka é f̄s̄ à gá ute Luda kpén ma zīnda misina yānzíó? Mé gáro. ¹² Má dō ma zīndaa à yā pì e bɔ Luda kiiaro. À annabikeyā pì ò ma yā musu kè Tobia kōn Sambalao fīa bōne yānzime. ¹³ À fīa bōne le vīa e à ma kū mà durun ke mà gá gwe, aōé gbasa wà ma tó yaka wà ma sōsō. ¹⁴ Ma Luda, Tobia kōn Sambalao yākēna pì gō dōngu. Nɔgbē annabi Nɔadia yā gō dōngu dɔ kōn annabi kpāaa kè aō yezi vīa ma kūnɔ.

Yerusalemu bīi mīdena

¹⁵ Gurɔ baplaa akuri awēplāaa gbera wà bīi pì mì dè Elulu mɔ gurɔ baaasɔrodeea. ¹⁶ Kè wa ibēnɔ à baaru mà bensō borii kè aō ligana waziinɔ wée siàle, aō kā gā aō d̄s̄ sa kè wa zīi pì kè kōn wa Luda gbāaa. ¹⁷ Gurɔ beean Yudanɔ kīnenɔ e takada kpāsāa Tobiane pari, bensō Tobia pì e kpāsāane. ¹⁸ Yudanɔ yā yìo pari, zaake Ara né Sekanian à anzure ũ bensō Berekia né Mesulamu bé Tobia né Yoanana anzure ũ. ¹⁹ Aōè à sáabu kpá ma wáa dɔ, ben aōè era wà ma yā tōkēne. Tobia pì lánɔ kpāsāme dɔ le vīa e à ma kū.

7

¹ Kè wa bīi bò bensō ma à lé gbàno pèpèe, wà zédākparino kōn lèsirino kōn Levino diè. ² Ben ma a dāaro Anani diè Yerusalemu gbēnsi ũ kōn zeki gbāaa gbēnsi Ananiao, zaake gbē náanedeeme. À Luda vīa vī de gbē pariinola. ³ Ma bèné: Wàtongae Yerusalemu bīile gbàno wēro ai ɔfántē gá gbāa kū. Wàgae zé tata wà gbāngano dan ai zédākparino tá. Wà Yerusalemudeeno dièdiè gudākparino ũ do, aō gbēkeno gō kú dākpakiaa, aō gbēkeno ní be sae.

8

Ezera Musa doka kyókèna

¹ Baade píngi kàkōa kōn ledoleo gāale kè kú Í bīile sae, ben wà bè danneri Ezerane à bo kōn Musa doka kè Dii diè Isarailinoe takadao. ² Mo swēplaa guro káakun sa'ori Ezera bò kōn Musa dokao parii ae. Gōgbēno kōn nōgbēno kōn gbē kè aōé fō wà yā maano ní píngi kú gwe. ³ À ae dō gāale kè kú Í bīile pì saea, ben èe takada pì kyó kee zaa kōngo ide'ide ai ɔfántē kà midangura gōgbēno kōn nōgbēno kōn gbē kè aōé fō wà maano wāa. Baade píngi swā dō Musa doka takada pì kyókenazi. ⁴ Danneri Ezera zena tinti lezī kè wà kè kōn lío musu lá pì kyókèna yānzi. Matitia kōn Semaio kōn Anayao kōn Uriao kōn Ilikiao kōn Masiao kú à ɔplazi. Pedaya kōn Misailio kōn Malakiao kōn Asumuo kōn Asabadanao kōn Zakario kōn Mesulamuo kú à ɔzezi. ⁵ Kè Ezera takada wè, baade píngi è, zaake à zekii lezī deńla. Kè à wè, baade píngi fèe wà zè. ⁶ Ezera Dii Luda Bítade sáabu kpà, ben baade píngi ɔ sè musu aō bè: Aami! Aami! Ben aō mì pèe toote

wà dɔnzi kè Diine. ⁷ Gurɔ kè gbɛnɔ zena gwe, Levi kenɔ Musa doka dàdañne. Levi pìnɔ tón yè: Yesua, Bani, Serebia, Yami, Akubu, Sabetai, Odia, Masia, Kelita, Azaria, Yozabada, Anana kɔn Pelayao. ⁸ Aɔ Luda doka takada pì kyó kè, ben aɔ bòkɔte wà à wée wèñne, le aɔ e wà kyó pì dɔ. ⁹ Ben bùsu gbãade NĚemaya kɔn danneri sa'ori Ezerao kɔn Levi kè aɔɔe yã dadaa gbɛnɔnɛnɔ bèñne: Gurɔ kèkii né Dii a Luda pómɛ. Àton ke wëndaro àton ɔɔ dɔro. Zaake kè aɔɔe Musa doka yã maa, aɔɔe ɔɔ dɔɔ n píngi. ¹⁰ NĚemaya bè: À gá à pó nósídee ble à í nnannaa mi. À li gbě kè aɔ pókɛ vīroonɔne. Gurɔ kèkii né wa Dii pómɛ. Àton sósobi ɔɔ dɔro, zaake pɔnnaa kè Dii è kpáwa de a gbãa'ekii ũ. ¹¹ Levinɔ gãa wà gbɛnɔ nòse kpàéñne wà bè: À yíte! Gurɔ kèkii né Luda pómɛ, àton sósobi ɔɔ dɔro. ¹² Ben aɔ fɛe wà gãa wà pó blè aɔ í mì, aɔ likɔne aɔ pɔnnaa kè maamaa, zaake aɔ yã kè wà òñne mà sa.

¹³ Mɔɔ pì gurɔ plaadeea uabedeeno kɔn sa'orino kɔn Levinɔ kàkɔa danneri Ezerazi, le wà e wà wée té Musa dokazi. ¹⁴ Ben aɔ yã kè Dii diè Musane è gwe à bè, Isarailinɔ gɔ kú lá kutaano guu mɔ swɛɛplaade zĩbaagurɔɔa, ¹⁵ aɔ yã kèkii kpàakpa ke n lakutuno guu kɔn Yerusalemuo wà be: À bɔe à gá sɛn à kù lánɔ kaso à suo kɔn sãma lánɔ kɔn swã lánɔ kɔn damina lánɔ kɔn lí ɔrade lánɔ, le à lá kutaano dɔo lán à kú takadan nà. ¹⁶ Ben gbɛnɔ gãa wà kàsokaso wà sùo, baade kutaa dɔo a kpé musu ke ua ke Luda ua ke Í bĩile gãale ke Eflaimu bĩile gãale. ¹⁷ Gbě kè aɔ bò zĩzɔkɛen pìnɔ lá kutaano dɔdɔ n píngi, ben aɔɔ kú à guu. Zaa Nuni né Yɔsua gurɔ ai gurɔ beea Isarailinɔ e zĩbaa pì ke lero. Ben aɔ pɔnnaa kè

maamaa. ¹⁸ Ezera ègõ Luda doka takada kyó kεε lán guu è dɔ nà naana zaa zĩbaagurɔ káakua ai à gàa à mì dèò. Aõ zĩbaa pì kè gurɔ swεεplaamε. À gurɔ sɔraagõdeea aõ kakõana kè lán wà diε nà.

9

Isarailinɔ ní durunnɔ ona Ludanε

¹ Mɔ dõnkõ pì gurɔ baro awεεsiigõdeea Isarailinɔ kõ kàkõa kõn léyinao kõn pɔsia utanɔ dadana, bùsu ká ní mìn. ² Aõ ní zĩnda kè bori pāndenɔa ben aõ zena, aõε ní durunnɔ kõn ní dezinɔ yāzaakenanɔ oo. ³ Aõ gõ zena guu kè aõ kún, ben wà Dii ní Luda doka takada kyó kèñne awa aagõ, ben aõ ní durunnɔ ò aõ dɔnzi kè Dii ní Ludanε awa aagõ. ⁴ Levi kenɔ zena tinti kè wà kèñne musu, aõ lé zù Dii ní Ludazi gbāngbān. Aõ tónɔn yè: Yesua, Bani, Kadamieli, Sebania, Buni, Serebia, Bani kõn Kenanio. ⁵ Levinɔ Yesua kõn Kadamielio kõn Banio kõn Asabaniao kõn Serebiao kõn Odiao kõn Sebaniao kõn Petayao bè:

À fεε à Dii a Luda táaki lé!

À kuu zaa káaku ai gurɔ píngi.

Wà n tó gakuidee bɔ,

à dε gbē tókpana kõn táakiola píngi.

⁶ Mbe Dii ũ ndo.

N bàtuma kè kõn n bεε kè kú musuo kõn pó kè kú gweenɔ píngi.

N anduna kè kõn pó kè kúnno.

N ísiao kè kõn pó kè kú à guuno.

Nεè wèndi kpá ní píngia,

n be malaika pariinɔ è dɔnzi kenne.

⁷ Mbe Dii Luda kè à Abramú sè ũ,

n bɔo Uru, Kaladia bùsun,

n à tó liene Ibraĩ.

⁸ N è à n náane vĩ a swè guu,
ben n bè n bà égõ kúo,
né Kanaa b̀usu kpáa k̄n à boriino,
b̀usu kè Itino k̄n Am̄rin̄o kún
k̄n Perizino k̄n Yebusino k̄n Gigasino.

Ben n lé kè n gbène pì pàpa,
kè n maa yãzi.

⁹ N nawēa kè wa dezin̄o kè Igipiti è,
n wiini kè aõ lè Isia Tēaazi mā.

¹⁰ N sēedan̄o k̄n dabuyān̄o kè Fili'aunan̄e,
n m̄nzi kp̄azi k̄n à iban̄o
k̄n à b̀usudeeno n p̄ingi,
zaake n d̄o lán aõ aĩa p̄sĩ kè k̄n wa dezin̄o nà.
N tó b̀o lán à kuu ai k̄n a gb̄ao nà.

¹¹ N ísīa z̀k̄rēne,
ben aõ táa ò gukorin aõ bikù.

N gb̄e kè aõ p̄ēnzino z̀ù í l̄n,
n n̄ z̀ù lán gb̄e bà í isi p̄i guu.

¹² N d̄o n gb̄ēne aē t̄eluguu guu f̄antē,
gw̄avĩ s̄o t̄e guu.

N z̄e kè de aõ sé p̄ūne.

¹³ N pita Sinai kp̄iii musu,
n yā òne zaa musu.

N doka z̄ede ȳapuradee kp̄amma
k̄n yā maaa kè n d̄ieno.

¹⁴ N̄ t̄o aõ k̄ammabogur̄o d̄o n p̄o ũ.

N n̄ ȳadienan̄o k̄n n̄ ōdk̄iio
k̄n n̄ dokao dà n z̀bleri Musane
ben à kp̄amma.

¹⁵ Kè n̄aa n̄ dé,
n p̄oblee gb̄arēne zaa musu.

Kè ímii n̄ dé,

n í bònne gbèsin.

Bùsu kè n à lé gbèinne n bè né kpámman
 n bèinne aõ gá wà sí n pó ũ.

16 Baa kōn beeeo wa dezi pìnɔ karambaani vī,
 aõ swā gbāa kù,
 aõègõ n yādienanɔ kūnaro.

17 Aõ gí n yā mazi,
 dabuyā kè n kènnenɔ yā sǎngu.
 Aõ swā gbāa kù aõ bò n yā kpεε
 aõ dɔn'ae dee diε à εara à tánɔ zòbleen.
 Luda, neε gbēnɔ durun kēinne,
 n sùu vī kōn sósobio,
 n pɔɔ è fē kpaaro,
 n gbēkkeε vī bíta,
 ben néε pā kpánziro.

18 Baa kè aõ mò kàsa lán zùswarene bòrɔ bà,
 aõ bè n dii kè à n bóε Iyipitin gwe,
 bensõ aõ dɔkènyo maamaa,

19 néε pā kpánzi gbáanlo
 n sósobi bíta yānzi.
 Téluguu pì dònne ae à zé òdɔañne fāantē,
 té pì zé kè de aõ sé pùnne gwāavī,
 èè n tón zikiro.

20 N n Ninii kpámma à yā dàinne.

Néε n tē manaro,
 kè ímii e n deε, n n gbá í.

21 N n gwá gbáan wè baplaa,
 pókee e kēsámmaro.

Aõ pókāsāanɔ e yakaro,
 aõ gbá e sésero.

22 N boriinɔ kpámma kōn n būsuno,
 n n būsuno pìnɔ kpàateinne míomio.

Aã Esebõ kí Siõ bũsu sì ní pó ũ
kõn Basã kí Ogu póo.

23 Ní tò aõ boriinõ pari kù lán sɔsɔnɛnɔ bà,
n gẽnyo bũsu kè n ò ní denɔnɛ aõ gá wà sí ní pó ũu
guu.

24 Kè aõ nénɔ gàa wà bũsu pì sì ní pó ũ,
ben n Kanaa kè aõ kú gweenõ kã dèńne,
n ní náńne ní ɔzĩ kõn ní kɔnɔ ní píngi,
n bũsu pì boriinõ kpámma,
aõ ní pɔyeziyã kèńma.

25 Aõ wéte bĩideenõ sì kõn tɔɔte maaao,
aõ kpénɔ sì kõn pó maaa kè aõ kúnno
kõn lègɔ kè wà yǎnɔ
kõn geepi búno kõn kùkpenɔ
kõn lí kè wè à bɛɛ bleenɔ à kè bíta.
Aõ pó blè wà kà aõ mè kpà,
aõ nnamana mà n aubarika bíta yãnzì.

26 Baa kõn beeeo aõ swã gbãa kù,
ben aõ bò n yã kpɛɛ,
aõ kpɛɛ li n dokanɛ.
Aõ annabi kè aõ lé dàńma
lɛ aõ summaanõ dèdɛ,
aõ dɔkènyo maamaa.

27 N ní ná ní ibɛɛnɔnɛ ní ɔzĩ,
aõ gbãaa m̀ńne,
ben aõ wii lènzì ní nawɛakena guu.
Zaa musu n ní wéekɛɛ sì
n sósobi bíta yãnzì,
n mìsirinõ dèńne,
ben aõ ní bó ní ibɛɛ pìnɔ ɔzĩ.

28 Tó aõ à yĩ è,
aõ è ɛara wà yã kè à zaannɛɛ kɛmɛ,
ben n ní kpá ní ibɛɛnɔa,

aã gbāaa blémma.
 Aã ɛara wà wii lènzì,
 ben zaa musu n ń wéεεε sì,
 n ń bó gèn ũgbangba n sósobi yānzi.

²⁹ N lé dàmma aã aε dɔ n dokaa,
 mɔde aã dɔkènyo,
 aãégɔ n yādiɛnanɔ kūnaro,
 yā kè tó gbē kūna eégɔ kuu à gāzĩ.
 Aã zā n yā pìnɔa aã kpεε linne,
 aã swā gbāa kù aã gì n yā mazi.

³⁰ N menańyo à wè pari,
 n Ninii yā dà n annabinɔne,
 ben aã lé dàom̃ma aãɔe swā dɔziro,
 ben n ń ná bori pāndenɔne ń ɔzĩ.

³¹ N sósobi bíta guu néε ń mì dero,
 Luda sùude sósobideen n ũ,
 néε pā kpánziro.

³² Beee yānzi wa Luda,
 ń bíta, ń gbāa bensɔ ń naasi vĩ,
 lán n bà ègɔ kúwao n gbēkεε guu nà,
 nawēa kè à wa le
 kōn wa kínanɔ kōn wa dɔn'aεdeeno
 kōn wa sa'orinɔ kōn wa annabinɔ
 kōn wa dezino kōn n gbēnɔ ń píngi
 zaa Asirianɔ kínanɔ gurɔ ai kōn a gbāao,
 ñton tó à kenne fétero.

³³ Yā kè à wa leenɔ píngi musu ń maa,
 baa kè wa yā zaaa kè, ń náane vĩ.

³⁴ Wa kínanɔ kōn wa dɔn'aεdeeno
 kōn wa sa'orinɔ kōn wa dezino
 aãɔe zĩ ke n dokaaro,
 aãɔe làakari dɔ n yādiɛnanɔaro
 ke lé kè ń dàmmannɔ.

35 Baa gurɔɔ kè aǎ n̄ zĩnda vĩ
 bensɔ aǎ pɔ maa parii kè n̄ n̄ gbánɔ vĩ
 kɔn b̀usu yàasa taakidee kè n̄ kpànm̄ao,
 aǎɔe dɔnziro,
 aǎɔe kpɛɛ li n̄ yǎ zaaanɔnɛro.

36 N̄ gwa! Z̀nɔn wa ũ gb̀aa.
 B̀usu kè n̄ kpà wa dezinɔa
 aǎ à libɛɛnɔ kɔn à pɔ maaanɔ ble,
 z̀nɔn wa ũ à guu.

37 Kĩna kè n̄ tò aǎ kí blewaanɔ,
 wa búgbe yàasanɔ g̀ò n̄ pɔ ũ
 wa durunnɔ yǎnzi.
 Aǎè kí blewa kɔn wa pókãdeenɔ
 lán aǎɔ yezi nà.

Wá kú wétãmma bíta guu.

38 Yǎ beenɔ yǎnzi píngi wée ledole keenyɔ kɔn
 yǎpuraaɔ wée k̄ɛ lá guu. Wa dɔn'aɛdeenɔ kɔn
 Levinɔ kɔn wa sa'orinɔ e n̄ sèeda keɛa.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5